

Groupe parlementaire

Lëtzebuerg, den 17. Mee 2022

MOTIOUN

D'Chamber vun den Deputéierten:

stellt fest, datt

- der ukrainescher Economie duerch de Krich Milliounen un Aarbechtskräfte feelen, während gläichzäiteg ëmmer méi ekonomesch Infrastrukturen zerstéiert ginn;
- déi ukrainesch Zivilbevëlkerung besonnesch staark ënnert dëser Entwécklung leit;
- datt den ekonomeschen Niddergank vun der Ukrain och dramatesch Auswierkungen op déi international Economie huet, besonnesch am Beräich vun der Landwirtschaft, wat zu Enkpäss bei der Liewensmëttelversuergung a ville Regione ka féieren;

ass sech bewosst, datt

- dës Situatioun, ëmmer méi dramatesch Ausmoossen unhëlt, ëmsou méi laang de Krich dauert;
- e gudde Fonctionnement vun der ukrainescher Economie opgrond vum staarken Handelsaustausch mat der EU och am Lëtzebuerger Interessi läit;

fuerdert d'Regierung op,

- d'Ukrain, bilateral an am Kader vun der EU, ekonomesch an humanitär ze ënnerstëtzen;
- sech dofir anzesetzen, datt, esou wäit sënnvoll a méiglech, den Handelsaustausch mat der Ukrain um Niveau vun der EU administrativ vereinfacht gëtt;
- datt den Export vu Agrarprodukter aus der Ukrain iwwert d'EU ënnerstëtzt gëtt;
- der Ukrain duerch d'Bereetstellung vu Prêten fir hir zivil Economie an duerch Aus- a Fortbildungsmaassnahmen, esou wäit ewéi méiglech och zu Lëtzebuerg, ekonomesch ze hëllefen.